

Broj: 01/1- ____/22
Kakanj, __.01.2022.godine

Na osnovu člana 8. i 56. Zakona o principima lokalne samouprave ("Službene novine Federacije BiH" broj: 49/06) i člana 24. Statuta općine Kakanj ("Službene novine općine Kakanj", broj: 44/08), u postupku provođenja dodjele koncesije za izgradnju MHE "Bilješevo" na rijeci Bosni snage 4,00 MW, općina Kakanj, pred Ministarstvom za poljoprivredu, šumarstvo i vodoprivredu Zeničko-dobojskog kantona, Općinsko vijeće Općine Kakanj na svojoj ____ . sjednici održanoj dana ____ 2022.godine, **d o n o s i**

ODLUKU

o davanju saglasnosti za provođenje dodjele koncesije za izgradnju MHE "Bilješevo" na rijeci Bosni

Član 1.

Ovom Odlukom daje se saglasnost za dodjelu koncesije za izgradnju MHE "Bilješevo" na rijeci Bosni snage 4,00 MW, općina Kakanj, moguće godišnje proizvodnje postrojenja 14,90 GWh, radi provođenja postupka dodjele koncesije.

Član 2.

Pri dodjeli koncesije i realizaciji prava utvrđenih ugovorom o koncesiji traži se poštivanje svih zakonskih ograničenja, kao i spriječavanje nastanka štetnih posljedica po druge subjekte i okoliš.

Član 3.

Ova Odluka stupa na snagu danom donošenja, a naknadno će se objaviti u "Službenim novinama Općine Kakanj".

PREDSJEDAVAJUĆI OPĆINSKOG VIJEĆA

Slaven Katičić

O B R A Z L O Ž E N J E

Ministarstvo za poljoprivredu, šumarstvo i vodoprivredu Zeničko-dobojskog kantona, aktom broj: 05-21-11408-1/21 od 27.12.2021.godine traži saglasnost Općinskog vijeća Općine Kakanj i Općine Kakanj za provođenje postupka dodjele koncesije za izgradnju MHE "Bilješevo" na rijeci Bosni snage 4,00 MW, općina Kakanj, moguće godišnje proizvodnje postrojenja 14,90 GWh, koji se vodi po samoinicijativnom zahtjevu "Trgošped" d.o.o. Kakanj u skladu sa člana 8. i 56. Zakona o principima lokalne samouprave ("Službene novine Federacije BiH" broj: 49/06).

Shodno gore navedenom neophodna je saglasnost Općinskog vijeća na mogućnost dodjele koncesije za izgradnju MHE "Bilješevo" na rijeci Bosni.

Kako je postupak dodjele koncesije pokrenut po samoinicijativnom zahtjevu od strane "Trgošped" d.o.o. Kakanj, dostavljena je Studija izvodljivosti MHE "Bilješevo" na rijeci Bosni, novembar 2021.godine izrađen od strane "ES HYDROTECHNICS" d.o.o. Sarajevo.

Pregledom priložene dokumentacije, te uvidom u usvojeni Prostorni plan općine Kakanj 2010-2030., čije su Odluke o usvajanju Prostornog plana općine Kakanj 2010-2030., te Odluke o provođenju Prostornog plana općine Kakanj za period 2010-2030., objavljene u Službenim novinama Općine Kakanj broj: 6/10, 3/12, 14/13, 6/14, 6/17, 9/20 utvrđeno je da je traženi zahvat u skladu sa planskom dokumentacijom, te da se gradnja može odobriti uz poštivanje pozitivnih zakonskih normi, uz pribavljanje saglasnosti u skladu sa propisanim ograničenjima, rješavanje imovinsko-pravnih odnosa, te uz ispunjavanje ostalih zakonom propisanih uslova.

PRILOG:

1. Akt kojim se traži saglasnost Općinskog vijeća za provođenje postupka dodjele koncesije, broj: 05-21-11408-1/21 od 27.12.2021.godine, dostavljen od strane Ministarstva za poljoprivredu, šumarstvo i vodoprivredu Zeničko-dobojskog kantona.
2. Stručno mišljenje Općine Kakanj za dodjelu predmetne koncesije sa aspekta prostorno-planske dokumentacije, broj: 04/1-57/22 od 18.01.2022.godine.

PREDLAGAČ
OPĆINSKI NAČELNIK

OBRADIVAČ
SLUŽBA ZA PRIVREDU, URBANIZAM I
ZAŠTITU OKOLINE



Općina Kakanj

Općinsko Vijeće, n/r Predsjedavajućeg

Općina Kakanj/ n/r Načelnik

Zenica 27.12.2021. godine

Vaš znak:

Naš znak: 05-21-11408-1/21

***Predmet: Saglasnost Općinskog Vijeća i Općine Kakanj za provođenje postupka dodjele koncesije
– traži se***

Na osnovu članova 8. i 56. Zakona o principima lokalne samouprave („Službene novine Federacije BiH“, broj: 49/06), Općinsko Vijeće ima nadležnost da vrši politiku upravljanja prirodnim resursima i raspodjelu sredstava ostvarenih na osnovu njihovog korištenja na teritoriju koji je definisan općinskim granicama. Na osnovu navedenog, molimo Vas da date svoju saglasnost za dodjelu koncesije za izgradnju MHE „Bilješevo“ na rijeci Bosni snage 4,00 MW, općina Kakanj, moguće godišnje proizvodnje postrojenja 14,9 GWh.

Općina Kakanj treba Općinskom Vijeću dostaviti stručno mišljenje sa aspekta prostorno-planske dokumentacije općine u pogledu mogućnosti izgradnje MHE „Bilješevo“ na rijeci Bosni, kako bi Općinsko Vijeće moglo dati svoju saglasnost za provođenje postupka dodjele koncesije.

„TRGOŠPED“ d.o.o. Kakanj dostavio je ovom Ministarstvu samoinicijativni zahtjev za dodjelu koncesije za izgradnju MHE „Bilješevo“ na rijeci Bosni, snage 4,00 MW, na području općine Kakanj.

Uz zahtjev je dostavljena slijedeća dokumentacija:

- „Studija izvodljivosti MHE „BILJEŠEVO“, hidroenergetsko iskorištenje rijeke Bosne“, općina Kakanj, urađena od strane „ES HYDROTECHNICS“ d.o.o. Sarajevo, iz novembra 2021. godine.

U slučaju pozitivnog stava Vijeća Općine Kakanj, ovo Ministarstvo nastavlja postupak dodjele koncesije, a investitor ima obavezu pribavljanja svih relevantnih saglasnosti i dozvola prije potpisivanja koncesionog ugovora.

Imajući u vidu navedeno, molimo Vas da nam, u što je moguće kraćem roku, dostavite stav Općine Kakanj i Vijeća Općine Kakanj po pitanju dodjele koncesije za provođenje postupka dodjele koncesije za izgradnju MHE „Bilješevo“ na rijeci Bosni.

S obzirom da se predmetni lokalitet nalazi na području Vaše općine, molimo Vas da imenujete predstavnika Općine Kakanj, koji će učestvovati u radu Komisije, koja će voditi postupak u ovoj pravnoj stvari.

Molimo, da nam uz odluku Općinskog Vijeća obavezno vratite dostavljenu Studiju.

Napomena: za sve dodatne informacije vezane za dodjelu koncesije za izgradnju MHE „Bilješevo“ na rijeci Bosni, općina Kakanj, kao i prezentaciju projektne dokumentacije Općinskom Vijeću, molimo Vas da se obratite podnosiocu zahtjeva „TRGOŠPED“ d.o.o. Kakanj (Alma Zaimović 061-297-522).

Prilog:

- „Studija izvodljivosti MHE „BILJEŠEVO“, hidroenergetsko iskorištenje rijeke Bosne“, općina Kakanj, urađena od strane „ES HYDROTECHNICS“ d.o.o. Sarajevo, iz novembra 2021. godine.

Dostavljeno:

- 2x Naslovu, zajedno sa prilogom.
- 1 x „TRGOŠPED“ d.o.o. Branilaca bb, Kakanj.
- 1 x a/a.

Obrađivač:
Senada Malićbegović



MINISTAR

Mirsad Hadžić
Mirsad Hadžić



Bosna i Hercegovina, Zenica, Kućukovići br. 2
Telefon: 032/460-750 i 460-751; Fax: 032/460 – 752
e-mail: min.poljoprivreda@zdk.ba
www.zdk.ba